

MINNESOTA PAID LEAVE

Siv Tau Pib Hnub Tim 1 Lub Ib Hlis Ntuj Xyoo 2026

Minnesota Paid Leave muab cov kev them nyiaj thiab cov kev tiv thaiv txoj hauj lwm thaum koj xav tau sij hawm so los saib xyuas koj tus kheej los sis koj tsev neeg.

Kuv tuaj yeem siv tau Paid Leave rau yam dab tsi?

Cov Sij Hawm So Kho Mob:

- Tswj koj tus mob nkeeg loj, suav nrog kev saib xyuas tus kheej thaum cev xeeb tub, so tom qab yug me nyuam, thiab kho yus tus mob kom zoo tu qab.

Cov Sij Hawm So Rau Tsev Neeg:

- **Sij Hawm So Tu Ib Tug Me Nyuam Tshiab** – saib xyuas thiab txais tos tus me nyuam tshiab uas yug, tus me nyuam coj los tu, thiab kev tu ua niam qhuav txiv qhuav
- **Sij Hawm So Tu Ib Tug Txheeb Ze** – saib xyuas ib tug neeg mob hnayv heev hauv koj tsev neeg
- **Sij Hawm So Txhawb Tug Txheeb Ze Ua Tub Rog** – txhawb ib tug tub rog hauv koj tsev neeg
- **Sij Hawm So Txhawb Kev Nyab Xeeb** – saib xyuas cov teeb meem ntsib txog kev tsim txom hauv tsev, kev quab yuam mos deev, los sis kev raug caum soj qab rau tus kheej los yog ib tug txheeb ze

Feem ntau, cov xwm txheej yuav tsum kav ntev tshaj li xya hnub thiab tau lees paub los ntawm tus kws kho mob los sis lwm tus kws tshaj lij.

Kuv puas yuav tau txais kev roos los ntawm Paid Leave?

Feem ntau cov neeg ua hauj lwm hauv Minnesota yeej tau kev roos los ntawm Paid Leave. Koj yuav tau txais kev roos tab txawm hais tias koj lub chaw hauj lwm luaj npaum li cas, los sis xuaj moos thiab hnub ua hauj lwm li cas los xij. Cov neeg ua hauj lwm muaj ntawv cog lus thiab cov neeg ua hauj lwm rau tus kheej yuav tsis tau txais kev roos ncaj qha rau tus kheej, tiam sis lawv kuj muaj feem xaiv kom tau kev roos. Koj kuj yuav tsim nyog tau cov kev them nyiaj so yog tias xyoo tas los koj tau ua hauj lwm raug them nyiaj hauv Minnesota (yuav tsum txog \$3,900 kom qhov Paid Leave xyoo 2026 muaj feem xyuam rau).

Kuv tuaj yeem so tau ntev npaum li cas?

Koj tsim nyog so tau txog 12 lub lim tiam txhawm rau tsev neeg los sis txhawm rau kev mus kho mob tauj ib xyoo raws cov txiaj ntsig. Yog tias koj xav tau ob qho sij hawm so rau tsev neeg thiab mus kho mob koom tib si rau tib lub xyoo, tej zaum koj kuj yuav tsim nyog txais qhov txiaj ntsig pab txog 20 lub lim tiam suav tag nrho.

Kuv yuav tau txais kev them nyiaj ntau npaum li cas?

Thaum koj siv Paid Leave lawm, lub xeev yuav them nyiaj rau koj. Paid Leave yuav them txog li 90% ntawm koj cov nyiaj ua hauj lwm, raws li koj them nyiaj tau los, nrog rau qhov nyiaj siab tshaj plaws teev tseg los ntawm lub xeev rau cov nyiaj hli tauj ib lub lim tiam. Cov nyiaj no yuav muaj cov kev hloov pauv txhua xyoo, thiab \$1,423 yog tus nqi pib ntawm Paid Leave rau xyoo 2026.

Leej twg yuav them rau Paid Leave?

Paid Leave yog pob nyiaj chiv peev them los ntawm cov neeg ua hauj lwm thiab cov tswv ua hauj lwm. Tus nqi chiv peev xub thawj yog 0.88% ntawm cov nqi dag zog uas tau txais kev roos. Koj tus tswv hauj lwm kuj yuav txiav tawm txog 0.44% ntawm koj cov nyiaj hli los mus pab them rau koj feem.

Kuv cov kev tiv thaiv hauj lwm yog dab tsi?

- **Cov kev tiv thaiv txoj hauj lwm:** Feem ntau, koj yuav tsum tau rov qab mus rau koj txoj hauj lwm qub los sis ib txoj hauj lwm uas zoo sib xws tom qab koj lub sij hawm so dhau mus lawm. Cov kev tiv thaiv hauj lwm no pib 90 hnub tom qab hnub koj pib ua koj txoj hauj lwm.
- **Cov kev pov hwm rau kev noj qab haus huv:** Feem ntau, cov tswv hauj lwm yuav tsum tau them nyiaj mus li rau lawv feem ntawm cov nyiaj pov hwm rau kev noj qab haus huv tab txawm koj so hauj lwm ib ntus.
- **Txwv tsis pub ua phem pauj los sis tsim kev cuam tshuam:** Cov tswv hauj lwm yuav tsum tsis txhob cuam tshuam los sis tawm tsam ua phem pauj rau koj yog tias koj thov los sis siv Paid Leave. Cov tswv hauj lwm tsis muaj feem yuav txeeb tau koj cov kev them nyiaj Paid Leave.

Yog muaj cov lus nug ntxiv txog Paid Leave, thov tiv tauj rau Minnesota Paid Leave ntawm 651-556-7777 los sis mus saib peb qhov website.

Yog tias koj xav tias koj tus tswv hauj lwm ua txhaum rau cov kev tiv thaiv hauj lwm, ces tiv tauj rau Labor Standards Division ntawm Minnesota Department of Labor and Industry.



KAWM NTXIV: paidleave.mn.gov

Cov ntaub ntawv no muaj ua lwm hom ntawv rau cov neeg uas muaj kev tsis taus los sis cov neeg uas xav tau kev pab txhais lus, los ntawm kev tiv tauj rau Paid Leave Contact Center ntawm 651-556-777 los sis 844-556-0444 (tus xov tooj hu dawb)